

歷代畫家詩文集

唐伯虎先生全集(二)

臺灣學生書局印行

新學堂
PDG

唐伯虎先生全集
(二)



歷代畫家詩文集

唐伯虎先生全集

明萬曆四十二年刊本
景印本精裝二冊

編纂者：明·唐

寅撰

出版者：臺灣學生書局

本書局登記：行政院新聞局局版臺業字第一一〇〇號
配證字號

發行人：馮愛羣

發行所：臺灣學生書局

臺北市羅斯福路三段二九八號

郵政劃撥帳號二四六六號

電話：三三三六·三三三七·三三〇七

定價精裝新臺幣四七〇元

中華民國五十九年六月景印初版
中華民國六十八年四月再版

8300-8

版權所有・翻印必究

伯虎外編續刻序

客謂何子曰唐伯虎畸人也而
子務廣其傳宜乎子之益窮也
何子哭曰伯虎洵能窮人哉使
予鑄金谷園集亦能金谷我乎
客無以應一日予友王平叔過



我云鳳林孫師齋頭有伯虎集
二卷雲間曹寅伯氏梓而行之
者也卷中蒐錄遺亡十得八九
不佞索觀之大都按予舊本稍
增損顛倒其間而金粉一賦補
亡之功於斯爲大矣竊念伯虎

而禮法之士嫉之者猶故也嗟
乎古道雖亡人心不斂文章一
脈久而彌著盧柟縲紲於傭奴
徐渭挫衄於悍室一元委蛻于
貧交陳昂溝壑于織屨皆近代
才子落魄顛放者之左券也然

而蟻蠓以元美銜奇三集以石
公挾秘獻吉締好太白顯名伯
敬噓枯白雲價重儻所謂附青
雲而聲施後禊者非與伯虎迄
今百有餘年其文采風流卒無
有彙而傳之者至使區區窮愁

之何子與夫未達之曹生竊附
其名以傳於世方之四子所遭
其窮不綦甚乎客之言夫豈欺
我 肯

萬曆甲寅宿月穀雨吳趨何大
成君立父題于金臺之摩訶菴



伯虎外編續刻序

伯虎唐先生彙集序

自古荆玉夜珠爲世所寶者非其傳愈久而神愈光
耶文亦有之三吳自公游闢藻代有逸才而清豪之
致無遜隴右者獨伯虎唐先生先生幼奇穎豪宕不
羈有專季風落筆雲烟不加點綴弱冠負氣跼蹐半
爲江南路鬼掀揄賴梁文康吳文定兩相國延譽公
卿間才名日噪而鹿鳴首薦之後益爲入宮所妬青
蠅構讒便掛吏議先生嘆曰寒山一片空老鶯花寧
特功名足千古哉遂築室金閶門外日與祝希哲文

徵仲詩酒相狎踏雪野寺聯句高山縱游平康妓家
或坐臨街小樓寫畫易酒醉則斥憤浩歌三江烟樹
百二山河盡拾桃花塢中矣嘗夢得龍劑墨一囊文
愈奇詩日益藻然吐語珠璣多不屬草是以散逸少
傳胥臺袁先生袞重先生文已刻樂府雜文賦四十
七首爲世片玉而海虞何君立氏復稍加補葺然終
非完豹也今所集二十二種百五十餘篇大都皆先
生中年作悲歌慷慨而寄韻委婉謔浪笑傲而談言
微中先生善畫恨不得於画見先生今於茲集見之

矣謹校閱付梓遺珠在世博雅鑒補則先生益不朽
萬曆壬子相月雲間曹元亮寅伯甫題并書



唐伯虎先生彙集敘

余讀唐伯虎先生與文衡山先生書慷慨激烈悲歌
風雅眼底世情腔中心事一生冲宇宙凌海岳之氣
奮在几席掩卷究其本末嗟乎丈夫遭時不遇遂至
此哉余生也晚濫竽木天畏友曹寅伯爲先生校刻
其藏夫南渡諸人大家不二數趣好不同靈竅不一
先生以磊落不羈之才放浪形骸之外爲吳中傑士
與名人儔伍戊午發弘治第一以不檢落籍知者惜
之狎狂宸濠俠詠山林不啻數萬言已入堂奧而今

傳者未免有靳容德色之病遺散七八寅伯僅收一
二有神契焉傾囊梓之先生之文一新行流日煥吳
茸密邇景星慶雲幸切瞻慕得捧遺編如睹璉壁秘
中當有收之者李杜而下更有定論不敢加喙其間
獨喜先生之吟得寅伯而後著何知賞之難哉好古
有其在茲歟嗟乎劉定之退災記爲先生公案識者
焉乎刪定

賜進士第翰林院檢討文林郎華亭張鼐書

唐伯虎先生外編續刻卷之一

吳趨唐 寅伯虎著

同郡何大成君立輯

賦

金粉福地賦

閩山右姓策府元勲玉節凌霄而建金符奕世而分
位定高明補媧天以五石職俾貞觀捧堯日以三雲
四庫唐書祕殿分球琳之賜九州再跡丹書鐫帶礪
之文館備鳳鸞之佳客衛總虎貌之禁軍載賦卜居

當清谿之曲列陳文戟倚赤山之氛揆定星於北陸
察景日於南熏篋粉釵金借靄光於織女移山變海
假福地于茅君竹苞矣而秩秩木向榮而欣欣由余
論制般輸運斤屈戌垂環朱提塗其獸鈕觚稜戴刃
白荅染其蠶紋碧瑣離離素女窺月中之影白榆歷
歷青龍伏天上之羣麗抗萬金名齊百子貯四姓之
良家延諸姑與伯姊鳴屨回廊探瓢曲水行行細簡
石榴蹙抱柱之羣蠹蠹高墻海馬繡凌波之履婉孌
無名穠纖合軌賦成洛水陳王盡八斗之才夢出巫